

К ОПУБЛИКОВАНИЮ

КОМИ РЕСПУБЛИКАСА ОЛАНПОДУВ ЁРД КОМИ РЕСПУБЛИКА НИМСЯНЬ

Гражданин Евгений Савватиевич Заиграевлөн норасьём серти «Транспорт вот йылысь» 2002 во вольгым тöлысь 26 лунся 110-РЗ №-а Коми Республикаса Оланпасын 2 статьяса 1 юкөнлөн, 4 (1) статьялөн 2 юкөнса 3 пунктлөн оланподувлы лöсялöмсö прöверитöм йылысь делö серти Коми Республикаса Оланподув Ёрдлөн шуöм

Сыктывкар

2021 вося урасьём тöлысь 18 лун

Коми Республикаса Оланподув Ёрд, кöни веськöдлысьнас вöли В.В. Кретов, ёрдысьяснас Д.Н. Басманов, Н.В. Боковикова, А.В. Проскуров,

кöни участвуйтисны Коми Республикаса Каналан Сöветöс петкöдлысь С.С. Ветошкин - Коми Республикаса Каналан Сöветлөн Аппаратысь Инöда веськöдланінса начальникöс вежысь, Коми Республикаса Юралысьöс петкöдлысь Н.И. Шильникова - Коми Республикаса Юралысьлөн Канму-инöда веськöдланінын экономика оланпастэчас юкөнса начальник,

Коми Республикаса Оланподувлөн 96 статьяса 3 юкөнö, «Коми Республикаса Оланподув Ёрд йылысь» Коми Республикаса Оланпасын 3 статьялөн 1 юкөнса 2 пункт, 90, 91, 92 да 93 статьясö кутчысьöмөн,

видлаліс ёрдлөн восьса заседание дырйи гражданин Е.С. Заиграевлысь «Транспорт вот йылысь» 2002 во вольгым тöлысь 26 лунся 110-РЗ №-а Коми Республикаса Оланпасын 2 статьяса 1 юкөнлөн, 4(1) статьялөн 2 юкөнса 3 пунктлөн оланподувлы лöсялöмсö прöверитöм йылысь шыöдчöмсö.

Тайö делöсö видлалан помкаён лоис Е.С. Заиграевлөн норасьём, а видлалан подулөн - эрдöдöм гөгөрвотöмлун сійö юалöм серти, лöсялöны-ö вылынджык индöм Коми Республикаса Оланпаслөн положениеясыс Коми Республикаса Оланподувлы.

Ёрдысь-докладчик А.В. Проскуровлысь юөртöмсö, Коми Республикаса Каналан Сöветöс да Коми Республикаса Юралысьöс петкöдлысьяслысь гөгөрвоөдöмьяссö кывзöм бöрын, сетöм документьяссö да мукöд материалсö туялöм бöрын Коми Республикаса Оланподув Ёрд.

пасйис:

1. «Транспорт вот йылысь» 2002 во вольгым тöлысь 26 лунся 110-РЗ №-а Коми Республикаса Оланпаслөн 2 статьяса 1 юкөнөн урчитöма

Коми Республика мутасын транспорт вот ставкаяслысь мындасö (водзö – Коми Республикаса Оланпас). Индöм Коми Республикаса Оланпасын 4 (1) статьялöн 2 юкöнса 3 пунктöн торъя йöзлы транспорт средствояс серти, кутшöмъясöс оборудуйтöма моторнöй ломтас пыдди природнöй биаруөн вöдитчöм вылö, транспорт вот серти ставкасö чинтöма транспорт вот серти индöм ставкаысь 50 процент вылö.

Гражданин Е.С. Заиграев шыöдчис Коми Республикаса Оланподув Ёрдö норасьöмөн, көнi корö лыддыны Коми Республикаса Оланпаслысь вылынджык вайöдöм положениеяссö Коми Республикаса Оланподувлöн 17 да 47 статьяяслы лöсявтöмөн.

Норасьöмсö подулалöм могысь Е.С. Заиграев индiс, мый тайö нормативнöй инöда актлöн положениеясыс торкöны сылысь оланподув инöдъяссö кызди вот мынтысьлысь сы вöсна, мый подулавтöг да оз öтмоза кыпöдöны транспорт вотлысь ставкаяс вот ставкаяс серти, кутшöмъясöс урчитöма Россия Федерацияса вот кодексöн, да сетöны транспорт вот мынтöм серти вот кокньöдъяссö ськөд йитöдын, сувтöдöма либö абу сувтöдöма автомашинаын моторнöй ломтас пыдди природнöй биаруөн вöдитчöм вылö оборудованиесö. Кызди лöг гөгөрвоана норасьöмысь, шыöдчысь абу сöглас ськөд, мый 100 вöv вынысь унджык вынйöрсянь 150 вöv вына вынйöрöдз двигателя легкөвöй автомашинаяс вылö вот ставкаяссö кыпöдöма 8,5 пöv вот ставкаяс серти, кутшöмъясöс урчитöма Россия Федерацияса вот кодекслöн 361 статьяөн татшöм жö категория автомашинаяслы, а 150 вöv вынысь унджык вынйöрсянь 200 вöv вына вынйöрöдз двигателя легкөвöй автомашинаяс вылö – 10 пöv.

Коми Республикаса Оланподув Ёрд «Коми Республикаса Оланподув Ёрд йылысь» Коми Республикаса Оланпаслöн 68 статьяса 2 да 3 юкөнъяс вöсна примитö помшуйöмъяс сöмын сэтшöм видлалантор серти, кутшöмöс индöма шыöдчöмын, да актлöн сöмын сийö юкөн серти, мыйлысь оланподувлы лöсялöмсö шыöдчöмын лыддыöны гөгөрвотöмөн; та дырйи Коми Республикаса Оланподув Ёрд примитö делö серти помшуйöмсö видлалан актлысь кызди веськыд вежöртассö, сiдзи и официальной да мукöд актын сийöс гөгөрвоодан либö инöдөн вöдитчан практикаын артмöм вежöртассö донъялöмөн, а сiдзжö инöда актъяслöн системаын сылысь ин вылö мыджсьöмөн.

Тайö жö Коми Республикаса Оланпаслöн 3 статьяса 2 да 3 юкөнъяс серти Коми Республикаса Оланподув Ёрд решайтö сöмын инöд серти юалöмъяс, оланподув судопроизводство нуöдiгөн сийö кутчысьö збыль лöмторьяс урчитöмысь да туялöмысь став случайын, кор тайö пырö мукöд ёрдлöн либö мукöд органлöн компетенцияö.

Татшöм ногөн, тайö делö серти видлаланторйөн лöоны «Транспорт вот йылысь» 2002 во вöльгым тöлысь 26 лунся 110-РЗ №-а Коми Республикаса Оланпасын 2 статьялöн 1 юкөнса, 4 (1) статьяса 2 юкөнлöн 3 пунктса положениеяс сийö юкөннын, көнi наөн урчитöма Коми Республика мутасын 100 вöv вынысь унджык вынйöрсянь 150 вöv

вына вынйөрөдз двигателя, 150 вөв вынысь унджык вынйөрсянь 200 вөв вына вынйөрөдз двигателя легкөвөй автомашинаяс вылө транспорт вот ставкаяслысь мындасө; торъя йөзлы чинтөма транспорт вот серти ставкасө транспорт вот серти урчитөм ставкаысь 50 процент вылө транспорт средствояс серти, кутшөмъясөс оборудуйтөма моторнөй ломтас пыдди природнөй биаруөн вөдитчөм вылө, стөчджыка кө, тайө нормаясса положениеяслысь Коми Республикаса Оланподувлы лөсялөмсө прөверитөм, мый гарантиуйтө гражданылы откодь инөдъяссө да вөлясө гражданылөн инөдъяслысь да вөлялысь откодьлунсө налөн оланін, рөд, эмбур серти положение да мукөдтор вылө видзөдтөг (17 статья), оланпасөн урчитөм вот да өктас мынтан кывкутана могъяс збыльмөдөм (47 статья).

2. Россия Федерацияса Оланподулын 72 статьялөн 1 юкөнса «и» пунктув, Коми Республикаса Оланподулын 64 статьялөн 1 юкөнса «и» пунктув серти вот перйөм да өктас серти отувъя принципъяс урчитөмсө пыртөма Россия Федерациялөн да Россия Федерацияса субъектыяслөн отувъя веськөдланторйө.

Россия Федерациялөн да Россия Федерацияса субъектыяслөн отувъя веськөдланторъяс серти йөзөдсьөны федеральнөй оланпасъяс да на серти примитан Россия Федерацияса субъектыяслөн оланпасъяс да мукөд нормативнөй инөда актъяс (Россия Федерацияса Оланподувлөн 76 статьяса 2 юкөн, Коми Республикаса Оланподувлөн 64 статьяса 2 юкөн).

«Россия Федерацияса субъектыяслөн оланпас пыртысь (бөрийөм) да олөмө пөртысь канму власьт органъяс котыртан отувъя принципъяс йылысь» 1999 во йирым тöлысь 6 лунся 184-ФЗ №-а Федеральнөй оланпаслөн 5 да 26.16 статьяс серти дінму вотлөн да өктаслөн лыддьөгыс да найөс урчитөм, вежөм да дугөдөм серти Россия Федерациялөн субъектса канму власьт органъяслөн уджмогъясыс урчитсьөны вот да өктас йылысь Россия Федерацияса оланпастэчасөн; Россия Федерацияса субъектлөн оланпасөн урчитсьөны вот да сборъяс, кутшөмөс урчитөмсө пыртөма федеральнөй оланпасөн Россия Федерацияса субъектлөн веськөдланторйө, а сідзжө найөс перьян пöрадок.

Россия Федерацияса вот кодекслөн 1 статьяса 4 пункт серти вот да өктас йылысь Россия Федерацияса субъектыяслөн оланпастэчасө пырөны Россия Федерацияса субъектыяслөн вот йылысь оланпасъяс, кутшөмъясөс примитөма тайө Кодекс серти.

Транспорт вот пырө дінму вотө, кутшөмөс Россия Федерацияса вот кодекслөн 12, 14, 53 да 356 статьяяс серти урчитөны тайө Кодексөн да Россия Федерацияса субъектыяслөн оланпасъясөн, вынсялө Россия Федерацияса субъектыяслөн оланпасъясөн да быть колө мынтыны налөн мутасын. Тайө вотсө пыртігөн Россия Федерацияса субъектыяслөн оланпас пыртысь (бөрийөм) органъяс индөны вот

ставкасö Россия Федерацияса вот кодексон урчитом мындаын, а вот мынтысь-организацияс серти и сийос мынтан пöрадоксö.

Россия Федерацияса вот кодекслön 356 статьяса 3 юкөн серти Россия Федерацияса субъектыслön оланпасьясön транспорт вот урчитигön сіджö вермöны урчитны вот кокньодьяссö да вот мынтысьön наön вöдитчöм вылö подувьяссö.

Кызди артмö Россия Федерацияса вот кодекслön 361 статьяса 1 пункт серти транспорт вотлön вот ставкаясыс урчитсьöны Россия Федерацияса субъектыслön оланпасьясön, сы лыдын тöд вылö босьтöны транспорт средстволön двигательлысь öти вöv вын вынйöрсö арталöмön двигательлысь вынйöрсö.

Индöм статьяса 2 пунктön урчитöма, мый вот ставкаяссö вермасны кыпöдны (чинтыны) Россия Федерацияса субъектыслön оланпасьясön, но дас пöвстысь оз унджык вылö. Тайö жö статьялön 3 пункт серти позьö урчитны торйöдалöм вот ставкаяссö транспорт средстволön быд категория серти, а сіджö транспорт средствеяс лэдзан восянь кольöм во лыдсö да (либö) налысь экологическöй классö тöд вылö босьтöмön.

Коми Республика мутасын транспорт вот вылö ставкалысь мындасö индысь «Транспорт вот йылысь» 2002 во вöльгым тöлысь 26 лунся 110-РЗ №-а Коми Республикаса Оланпаслön 2 статьяса 1 юкöнын Коми Республика мутасын 100 вöv вынысь унджык вынйöрсянь 150 вöv вына вынйöрöдз двигателя легкövöй автомашинаяс вылö ставкаяссö урчитöма 30 шайт мындаын, 150 вöv вынысь унджык вынйöрсянь 200 вöv вына вынйöрöдз двигателя легкövöй автомашинаяс вылö - 50 шайт мындаын, мый сöгласуйтсьö федеральнöй оланпастэчаслön нормаяскöд да лöсялö Россия Федерацияса вот кодекслön 361 статьяса 2 пунктön урчитом транспорт вот ставкасö дас пöv кыпöдöмлы.

3. Россия Федерацияса вот кодекслön 1 статья, 12 статьяса 3 пункт серти Россия Федерацияса субъектыслön оланпас пыртысь (бöрйöм) канму власьт органьясön дінму вот урчитигön вот йылысь оланпасьясön пöрадокын да мындаын, кутшöмьясöс урчитöма тайö Кодексон, вермöны урчитны вот база индан аслыспöлöслуньяссö, вот кокньодьяссö, наön вöдитчан подувьяссö да пöрадоксö.

Россия Федерацияса вот кодекслön 56 статья серти вот да öктас серти кокньодьясön лыддысьöны торья категория вот мынтысьяслы да öктас мынтысьяслы сетан верктуйяс, кутшöмьясöс урчитöма вот да öктас йылысь оланпастэчасön, мукöд вот мынтысь да öктас мынтысь серти, сы лыдын позянлун не мынтыны вотсö либö öктассö либö вештыны найöс ичöтджык мындаын.

Дінму вот серти кокньодьясыс урчитсьöны да бырöдсьöны тайö Кодексон да (либö) вот йылысь Россия Федерацияса субъектыслön оланпасьясön.

Россия Федерацияса Оланподув Ёрд аслас помшүөмьясын эз öтчдысь индив, мый вот кокньодыс лöö Россия Федерацияса

Оланподув серти (19 да 57 статьяс) вотсö быдöнлысь да öткодя перьян принципьяс серти артмысь исключениеөн, кутшöмьяс серти быдöнлы быть колö мынтыны вот перьян лöсялана объектысь оланпасöн урчитöм вотсö. Кокньöдьяссö пыр сетöны адреснöя, да найöс урчитöмысь пырö оланпас дасьтысьлөн медыджыд инöдö. Буретш оланпас дасьтысь вермö индыны (чинтыны либö содтыны) йöзлысь лыдсö, кодьяслы сетöны вот кокньöдьяссö (1997 во рака тöлысь 21 лунся 5-П №-а, 2000 во рака тöлысь 28 лунся 5-П №-а, 2008 вося рака тöлысь 13 лунся 5-П №-а шуöмьяс, 2009 во косму тöлысь 16 лунся 361-О-О №-а, 2010 во вöльгым тöлысь 25 лунся 1550-О-О №-а кывкöртöдьяс).

Татшöм ногөн, «Транспорт вот йылысь» 2002 во вöльгым тöлысь 26 лунся 110-РЗ №-а Коми Республикаса Оланпасöн Коми Республика мутасын 100 вöv вынысь унджык вынйöрсянь 150 вöv вына вынйöрöдз двигателя, 150 вöv вынысь унджык вынйöрсянь 200 вöv вына вынйöрöдз двигателя легкöвöй автомашинаяс вылö транспорт вот ставкаяс урчитöмөн, торья йöзлы транспорт средствеяс серти, кутшöмьясöс оборудуйтöма моторнöй ломтас пыдди природнöй биаруөн вöдитчöм вылö, транспорт вот серти урчитöм ставкаысь транспорт вот серти ставкасö 50 процент вылö чинтöмөн республиканскöй оланпас дасьтысь уджаліс аслас компетенцияын, кутшöмöс сетöма Россия Федерацияса вот кодекс серти, да инöд вылö мыджсьöмөн збыльмöдіс вот кокньöдьяс урчитöм серти сылы сетöм уджмогьяссö.

Подувьясыс чайтны, мый «Транспорт вот йылысь» 2002 во вöльгым тöлысь 26 лунся 110-РЗ №-а Коми Республикаса Оланпасын 2 статьялөн 1 юкөнса, 4 (1) статьялөн 2 юкөнлөн 3 пунктса положениеясыс увтыртанаöсь да вайöдöны социальнöй, расöвöй, национальнöй, религиознöй да мукöд татшöм нога муртöсьяс вылö мыджсьöмөн транспорт вотөн абу öткодя вöдитчöмö, абуюсь, а та вöсна оз вермыны видлавсьыны кызди гражданысь оланподув инöдьяс торкаланаяс да оз мунны паныд Коми Республикаса Оланподувлы, сьлөн 17 да 47 статьяслы.

Гижöм вылö подуласьöмөн, Коми Республикаса Оланподувлөн 96 статьяса 3 юкөнö, «Коми Республикаса Оланподув Ёрд йылысь» Коми Республикаса Оланпаслөн 66 статьяса 1 юкөнö, 68 статьяса 1, 2, 3 да 4 юкөньясö, 69, 91, 93 да 94 статьясö кутчысьöмөн, Коми Республикаса Оланподув Ёрд

шуис:

1. Лыддыны «Транспорт вот йылысь» 2002 во вöльгым тöлысь 26 лунся 110-РЗ №-а Коми Республикаса Оланпасын 2 статьялөн 1 юкөнса, 4 (1) статьяса 2 юкөнлөн 3 пунктса положениеясыс сійö юкөннын, кöні наөн урчитöма Коми Республика мутасын 100 вöv вынысь унджык вынйöрсянь 150 вöv вына вынйöрöдз двигателя, 150 вöv вынысь

унджык вынйӧрсянь 200 вӧв вына вынйӧрӧдз двигателя легкӧвӧй автомашинаяс вылӧ транспорт вотлӧн ставкаяслысь мындасӧ; чинтӧма торья йӧзлы транспорт средствеяс серти, кутшӧмъясӧс оборудуйтӧма моторнӧй ломтас пыдди природнӧй биаруӧн вӧдитчӧм вылӧ, транспорт вот серти урчитӧм ставкаысь 50 процент вылӧ транспорт вот серти ставкасӧ, оз мунны паныд Коми Республикаса Оланподувлы.

Индӧм положениеясса оланподула-инӧда вежӧртасысь, кутшӧмӧс востӧма тайӧ Шуӧмӧн, лоӧ ставлы быть олӧмӧ пӧртанаӧн да сӧйӧс инӧдӧн вӧдитчан практикаын мӧд ногӧн гӧгӧрвоӧмысь лоны оз вермы.

2. «Коми Республикаса Оланподув Ёрд йылысь» Коми Республикаса Оланпаслӧн 73 статья серти тайӧ Шуӧмысь лоӧ медбӧрьяӧн, сӧйӧ оз позь обжалуйтны, дзик пыр вынсялӧ сӧйӧс йӧзӧдӧм бӧрын, уджалӧ веськыда да сӧйӧс оз эскӧдны мукӧд органӧн да чина йӧзӧн.

3. «Коми Республикаса Оланподув Ёрд йылысь» Коми Республикаса Оланпаслӧн 72 статья серти тайӧ Шуӧмсӧ дзик пыр колӧ официальной публикуйтны «Коми Республикаса канму власьт органьяслӧн индӧд-тшӧктӧмъясь» журналын да йӧзӧдны «Ӧтуввез» юӧртан да коммуникационнӧй везйын «Коми Республикаса канму власьт органьясӧн примитӧм инӧда актъясь, мукӧд официальной юӧр лыддьӧг» сетевӧй изданиеын (<http://law.rkomi.ru>).

Коми Республикаса Оланподув Ёрд